

զան Պօղոս Եպիսկոպոսին, որ այսպէս վարժեց զմեր ժողովուրդն յառատաձեռնութիւն և ի գործ, Հազար շնորհակալութիւն և ժողովրդական լրութեան, որ այսքան զոհողութիւններ յանձն էառ, Առ այժմ՝ այսչափ, մինչև ցաւարտումն մեր ամբողջ հաշւոյ, զոր հրատարակելու եմք ի հարկէ մանրամասնաբար, Ընդունեցէք . . . Խմբագիր մեր երախտագիտական յարգանաց հաւաստին:

Արարք Ս. Եկեղեցւոյ շինութեան Գործ. ժողով.

(ԿՆԷ)

24 Նոյ. 1883 Վան:

ԱՌ ԺՈՂՈՎՐԴԱԿԱՆ ԼՐՈՒԹԻՒՆ

ԱՐԱՐԲ Ս. ԱՍՏՈՒԱԾԱԾԻՆ ԵԿԵԼԵՑԻՈՅ.

Աստուածային յարկիս վերաշինութեան գործադիր ժողովք, պարտ անձին կրհամարի հրապարակաւ յատենի Ս. Եկեղեցւոյս իւր սրտի զեղուն շնորհակալութիւն մատուցանել առ Մելիքեան Գեր. Տէր Պօղոս Սրբազան Եպիսկոպոսն, վասն այն մեծ և ծանր գործոյն, որ հարիւր տարիէն ի վեր ըղձակերտ կըլինէր համայն լրութիւնս ժողովրդեան տեսնելու և չէր յաջողեր:

Այն՝ որոյ վասն շատեր ի Տէր ննջելով իրենց կարօտակէզ աչերն փակեցին և չտեսան Աստուածային յարկիս այս վսեմութիւն և նորոգութիւնը:

Նախապէս յաւերժ կեցցէ՛ մեր Օգոստոսիառ Սուլթան Համիտ Վայսրն, որոյ օրով ազգերնիս առաւելապէս կրօնական ազատութիւն կրվայելէ:

Վերնախնամ Տեսչութիւն պահած էր այս Ս. Տան շինութեան գործը Գեր. Սրբազանիս, որ Սողոմոնեան տաճարի նորագիչ Զօրաբարելի հոգով օծեալ, ժողովրդեան ձայնին ունկն մատոյց, ձեռք զարկաւ Աստուածային Տանս վերաշինութեան, և այն որ քանի տարի յառաջ միայն հինգ կանգուն ընդարձակելու համար հարիւրաւոր ոսկիներ տալու յօժարութիւն կար, շնորհիւ Սրբազանիս հինգ կանգունի տեղ՝ տասնուհինգ ի լայնութիւն և 115 կանգուն յերկայնութիւն ընդարձակեցաւ ի հարաւ:

Մօտ հազար մեծ ծառեր կտրել տուաւ յԱյգեստանու, անձամբ շրջակայելով՝ մօտ քսան հազար մարգակ և ծառ բերել տուաւ իւր ազգեցիկ ստորագրութեամբ ի Քաւաշու և ի Վարձկանից:

Ընդհանուր հանգանակութիւն գրելու համար թաղ առ թաղ և համարեա թէ տուն առ տուն շրջագայեց, նաւաւարներ իրենց նաւերով՝ բեռնակիր անասուն ունեցողք՝ թէ քաղաքացի և թէ գիւղացի մինչև անգամ և քիւրդեր իրենց անասուններով հարկեցոյց և ստիպեց որ օգնութեան հասնեն Արարք Եկեղեցւոյ շինման, Արհեստաւորք, ճարտարապետք, հիւսն, որմնագիր, երկաթագործ, քարահատ, սարակ և այլք նորին Սրբազանութեան յորդորիչ ձայնէն ստիպուելով փութացին իրենց բաժին ընկած ծառայութիւնը մատուցանել Աստուծոյ տանս:

